

射

鷹

樓

詩

話

射鷹樓詩話卷十四

侯官林昌彝惠常輯

濟陽張耒若爾岐蒿菴閒話云蘇東坡與范子豐書云今日李委秀才來相別因以小舟載酒飲赤壁下李善吹笛酒酣作數弄風起水湧大魚皆出上有棲鵲坐念孟德公瑾如昨日耳據此書則赤壁賦所云客有吹洞簫者卽李委也乃云是楊繼昌得之石刻則何說

閩縣陳恭甫先生絳跼草堂詩集口占詩云不讀楞嚴禮玉晨縹緲充陳可安身買來萬本皆清俸不許兒孫更借人長樂梁芷隣中丞退菴隨筆譏之按清波雜志載唐杜遲家書末白題云清俸買來手自校子孫讀之知聖道嚮及借人爲不孝爲不孝可也借爲不孝過矣北史裴漢借

異書躬自錄本南史劉峻苦所見不博聞有異書必往祈  
借蘇東坡在黃州有岐亭監酒胡定之載書萬卷隨行喜  
借人看與秦太虛書王伯厚困學紀聞卷十四引李泌父  
承休聚書二萬餘卷誠子孫不許出門有求讀者別院供  
饌鄴侯家多書有自來矣見鄴侯家傳歛程瑤田云杜預  
立集與子貺書云車到副書可按錄受之當別置一宅中  
勿復以借人余謂書借與人必致散失然非聚書本指承  
休別院俱饌以應求讀者此意甚好嘉定錢辛楣十駕齋  
養新錄卷十九借書云世固有三等人不可借不還一也  
污損二也妄改三也守先人之手澤擇其人而借之則賢  
子孫之事也梁中丞所譏尚未切的

明季馬士英阮大鍼奸讒誤國事敗俱不得其死此天理之

昭彰錢秉鑑所知錄云馬士英斬於延平萬言編云阮大  
鍼傳爲雷渙祚冤報過五顯嶺墜崖碎首而死閩薩檀河  
先生王衡自延平至五顯嶺感馬阮事成二絕句云北苑  
宗風說貴陽猶勝賀誕錯題驛如何不作哥奴死血汚三  
溪水亦狂西湖蟋蟀美人愁何似春燈夜半酣度嶺南來  
無鄭尉誰知別有木棉庵

閩縣唐嶼諸生林君國奎妻鄭氏夫死守節有郎叔文芳以  
言挑之氏怒割左耳告於宗老杖之又爲謾言投其子書  
篋中氏見之大怒又割右耳氏父煖訟於官卞中丞親鞠  
於轅門觀者數千人杖文芳血髻荷校示衆氏大悅時夏  
旱是日大雨氏俄而雙耳復生完好如初蓋天顯奇節古  
今所罕有也此乾隆間事也錢塘馮山公景作詩以表之

詩云五事配五行禮聽尤所重世人豈不聰於卦坎爲耳  
痛古有洗流人恥受莠言貢何況冰雪姿無端集囂訟謾  
書千餘言鴉音豺聲闕白刃夜飛霜浩氣塞天空一割復  
再割雙耳棄如葑兔神鑒精誠江河助悲慟刻肌俄復息  
今古誰伯仲桓蔑王凝妻亦爲姦所中賴此百鍊剛生氣  
肅羣動奄奄蝮志輩百骸備無用

作七言律詩如開強弓勁弩唐自少陵而外作者寥寥宋元  
後體格又變金元遺山金詩選載平原李長源講議後七  
言律詩沈雄高壯直接少陵非前明前後七子所能及識  
者辨之汴梁雜詩云樓外風烟隔紫垣樓頭客子動歸魂  
飄蕭蓬鬢驚秋色狼藉麻衣浣酒痕天塹波光搖落日大  
行山色照中原誰知滄海橫流意獨倚牛車哭孝孫寥落

關山對月明客窗遙夜夢魂驚二年岐下音書絕八月河  
南風露清冉冉莫愁生草色迢迢秋思入蟲聲誰知廣武  
英雄嘆老却窮途阮步兵避亂陳倉南山回望三秦追懷  
淮陰侯信漫賦長句云憑高四顧戰塵昏鶉野山川自吐  
吞渭水波濤喧隴阪散關形勢輒興元旌旗日落黃雲成  
弓劍霜寒白草原一飯悠悠從漂母誰憐國士未酬恩雪  
中過虎牢云蕭蕭行李戛弓刀踏雪行人過虎牢廣武山  
川哀阮籍黃河襟帶控成臯身經戎馬心逾壯天入風霜  
氣更豪橫槊賦詩男子事征西誰爲謝諸曹柳塘云長安  
西望少城隈楊柳陂塘手自栽渭水波光搖草樹終南山  
色入樓臺平生事業書千卷浮世功名酒一盃我亦陸渾  
山下去擬尋佳處劇莓苔

樊榭山房集載周少穆藏馬和之小景上有楊妹子題云雨洗東坡月色清市人行罷野人行莫嫌犂确坡頭路自愛鏗然曳杖聲此東坡黃州作也樊榭題詩云六飛當日駐錢塘曾畫毛詩馬侍郎五百年來遺墨盡秋林曳杖見吳裝便娟小楷媚多姿似見楊家弄筆時南渡已無文字禁官闈也愛寫蘇詩二詩有北宋人風味

明天啓中朝鮮使臣金叔度尚憲詩多佳句如三秋海岸初賓雁五夜天文一客星爲王阮亭所賞載入漁洋詩話余尤愛其登州夜坐聞擊柝出於至性詩云擊柝復擊柝夜長不得息何人寒無衣何卒飢不食豈是親與愛亦非相知識自然同胞義使我心肝惻此詩載感舊集可謂漢魏之遺

番禺陳蘭浦孝廉禮精許鄭之學壬辰鄉榜現官廣文文詞

古雅近世罕有其匹余之交蘭浦也由於溫伊初孝廉蘭

浦所著東塾類稿說經之文博而且精多糾江脊齋阮芸

臺段茂堂諸家之失妙詞與義發前人所未發近代經學

昌明精於漢易者胡朏明渭惠松崖棟江鄭堂藩張皋文

惠言曾勉士也精於宋易者胡曉村煦徐易甫子陵也

能辨二十九篇今文尚書者閻百詩若璩宋半塘鑒段若

膺玉裁也精於詩毛傳鄭箋者臧玉琳琳陳見桃長源戴

東原震也精於春秋三傳者萬充宗斯大惠半農士奇洪

君直亮吉汪容甫中焦里堂循也精於三禮者張蒿菴爾

岐盛百二龍里萬季野斯同江慎修永沈冠文形程瑤田

易疇蔡敬齋德晉金蘂中榜凌仲子廷堪褚摺升寅亮任



子田

大椿

許周生

宗彥

林鈍村

桂

萬虞臣

世美

謝甸男

震

陳恭甫

壽祺

先生也精於爾雅者余古農

蕭客

郝蘭皋

懿行

也精於訓詁之學者王懷祖

念孫

子伯申引之桂未

谷

護阮芸臺

元

江秋史

德量

劉端臨

台拱

王萊友

筠

何子

貞師

紹基

也精於律呂之義者錢學淵

唐

也精於天文歷

算者梅定九

文鼎

陳泗源

厚耀

李成裕

博

李尚之

銳

孔驥

軒

廣森

李申耆

兆洛

也精於輿地之學者顧景范

祖禹

胡

肅明

渭

黃子鴻

儀

也精於史學者全紹衣

祖望

邵二雲

晉

涵錢竹汀

大昕

也精於校讐者顧千里

廣圻

金璞園

日追

盧抱經

文弼

孫淵如

星衍

也而蘭浦折衷衆說解經精確

極爲持平淹中棘下誠當世之所稀也詩亦渾樸無俗調

如雲厂云屋以山爲壁人如鳥入巢峰巒排枕畔燈火出

林梢室小雲常滿欄迴樹欲交巖樓真得地何日共誅茅  
又自雲洞句云清流漱石齒寒翠逼人衣翠巖句云捫苔  
通石徑穿樹得村家讀其詩知其有得於山水之趣者深  
矣

王伯厚困學紀聞卷十八云少陵善房次律而悲陳陶一詩  
不爲之隱昌黎善柳子厚而永貞行一詩不爲之諱公議  
之不可掩也如是按唐書肅宗紀及本傳至德元年房琯  
自請討賊敗於陳陶斜故詩云孟冬十郡良家子血作陳  
陶澤中水昌黎永貞行詩云君不見太皇諒陰未出令小  
人乘時偷國柄蓋指王叔文輩也

或謂張平子四愁詩路遠莫致倚逍遙五臣云倚立而逍遙  
不得志也曲阜桂未谷札樸云案下文倚惆悵倚踟躕倚

增嘆皆語詞與猗通詩魏風河水清且漣猗書秦誓斷斷猗無他技疏云猗者足句之詞不爲義也莊子爾已反其真而我猶爲人猗漢書孔光傳猗遠者連歲詩衛風猗重較兮釋文云猗依也小雅兩驂不猗疏云不相依倚此皆猗猗相通之證知五臣爲臆說也

同里林崑石廣文煥詩學二陸二謝著有崑石詩文稿及甥吹集填詞嘗手選明詩綜一部及靜志居詩話其安貧詩云遊心觀物理無礙貧次骨世人知樂天不如長看月自注云今人於處境一道動曰樂天僕以爲不如看月何言之貧與富是人中之境厭貧喜富是境中之情既貧而詔既富而驕是情中之病吾試與之論月今夫月之缺也猶境之處乎貧也然缺者逐日漸漸必復至於圓是其缺也

正所以爲圓之地知月之缺不常缺則知境之貧不常貧而此情可以自寬不至有詔之一病月之圓也猶境之處乎富也然圓者又逐日漸漸復至於缺是其圓也正所以爲缺之媒知月之圓不常圓則知境之富不常富而此情可以自惕不至有驕之一病故惟能看月者然後能樂大也廣文此節可謂妙喻

諸體詩以七律爲最難次則爲七古七古句過長不可句過排亦不可句過長則驅邁不疾句過排則筋脈不適近楚南張陶園九鉞湯海秋鵬二君爲七古好爲馳驟陶園七

古病在句過於長海秋七古病句過於排二君均能去其詩病則可以上接王李高岑而不可一世矣

排句最爲歌行所忌爲此體者當於騰驤變化求之不可以

舉聞絕曠爲勇也

後人爲七古詩動學大白長短句此何異刻雲端之木雁琢  
箭上之銅仙耶試看東坡畢生何嘗不私淑太白所爲七  
古爲長短句者有幾首耶此東坡詩所以獨步北宋爲一  
大家也

儀徵阮文達公

元

擘經室詩題嚴厚民

杰

書福樓圖云嚴子

精校讐館我日最長校經校文選十目始一行自注云世  
人每矜一目十行之才余哂之夫必十目一行始是真能  
讀書也味文達此語知讀書在精而不在快也元遺山論  
文詩云工文與工詩大似國手基國手雖漫應一著存一  
機文須字字作亦要字字讀咀嚼有餘味百過良未足今  
人誦文字十行誇一目毫釐不相照覲面楚與蜀此真能

道出讀書作文之利病者

勵志詩最難下筆作者宜古宜冲宜懇忌腐忌露忌色莊覺  
張茂先詩風骨尚未能道上

俗謂楚人多詐余攷之經史子集並無是說大抵爲齊東野  
語不足爲據余生平師友道德相勗肝膽相照者實楚士  
居多亡友同里陳秩庭山人

德茂

襟感云我具觀書如月

眼莫將野語信齊東斯言得之秩庭重交情尚氣節道光  
丁亥冬余遭家不造病幾殆適秩庭亦病篤外閒有謠傳  
余死者秩庭哭失聲跌地幾斃旣而余病愈而秩庭逝矣  
誦此詩不勝有山陽聞笛之感

道光庚戌余公車南旋與與東長樂溫伊初及文昌葉鏡洲

樓鷺

二孝廉同行鏡洲嘗誦其山東道上口占句云火明

人面雪風暗馬頭塵二語却能寫出道中風景可與山陽  
潘四農風霜此客枕天地又雞聲句並傳鏡洲又誦其舊  
句云月明漁子舫春到美人樓歸雲棲港浦夕照上樓臺  
鏡洲句次開爽無近日公車靡靡之習

嶺南三家梁藥亭

係蘭

不及陳屈二家然觀其六瑩堂詩亦

不無佳句可採如江聲喧日夜秋色上衣巾亂籐穿細竹  
高樹出疎花石屏橫水立野菊對山開浮雲森碣石白日  
蕩幽州孤雁聲何切閒雲去不知白鳥盤空過青蕪隔影  
微幽徑通孤寺梅花隔一林野燒殘山外寒星遠水中衣  
冠生亂賊草莽起孤臣

余以道光丁亥完娶友人撰鴛鴦曲七律三十章相贈佳篇  
琳瑯艷斂紫蕭乘鸞之曲作者凡七人吳蔚林解元

景禮

句云到老合稱名字好此生不數別離愁二語不卽不離  
勝於崔鴛鴦遠矣蔚林辛丑公車與余同行嘗於江南舟  
次誦其舊作晴霓掛秋嶺黃犢出荒邨及鑣聲黃葉坂燕  
語夕陽樓之句

偶體轉韻之詩近人多茫然不曉隋孫萬壽贈京邑知友詩  
本比偶體惟轉韻處皆散起初轉云飄飄如木偶棄置同  
蜀狗轉云牛斗盛妖氛梟境已成羣又轉云羈游歲月久  
歸思嘗搔首又轉云心絮亂如絲空懷疇昔時又轉云昔  
時游帝里弱歲逢知己又轉云勝地盛賓僚麗景相攜招  
又轉云登高視碧帶鄉關白雲外又轉云回首望孤城愁  
人益不平按偶體轉韻舊格近代忽忽不講矣

梁書徐摛傳摛屬文好爲新變不拘舊體爲太子家令文體



既別春坊盡學之宮體之號自斯而起陳書徐陵傳其文頗變舊體緝裁巧密多有新意周書庾信傳父肩吾爲梁太子中庶子東海徐摛爲左衛率摛子陵及信並爲鈔撰學士既有盛才文並綺豔故世號爲徐庾體焉曲阜桂未谷云徐庾體卽宮體徐庾父子並在東宮故稱宮體武帝開宮體之名召摛加讓蓋自摛始

道州何子貞師荊州渡江晚泊云西山日落散烟輕風暖波平人悄然淺淺蒲颿宜晚渡蕭蕭漁火是荒年一行雁叫有霜夜萬里星明無月天瞥眼江南過江北新寒忽到短檠前讀此詩可想其肖次之曠視高青邱函關日落聽雞度華岳雲開立馬看之作無多讓也

作詩須有命意而後講性情風格不可隨手成章空空寫去

則於詩便不是可作可不作者矣

繆天白云詩有俚語經顧甯人筆輒典詩有庸語入屈翁山手便超斯言實獲我心

福建廣東湖北均有長樂縣明初洪武永樂間陳景明亮高

彥恢標皆福建長樂詩人與福清林子羽鴻等同時稱閩

中十子阮文達公元修廣東通志竟以二人入廣東長樂

縣文苑傳殊爲失檢閩縣葉旬卿孝廉修昌有感云寄語

錢塘袁大令莫將蘇小認鄉親卽此意也按蘇小爲嘉興

人後代多譌爲錢塘見朱竹垞鴛鴦湖櫓歌句卿已亥解元能詩善畫

工文章兼長書法

亡友家松門茂才振壽嘗持東薌吳蘭雪舍人憶新田二律

問余曰此體本於何人余曰此體本於白樂天然作者亦

須渾成不善學之則虎賁類蔡耳蘭雪詩云村前村背雪  
連屋谿北谿南雨浸沙春竹笋邊秋竹笋絳桃花外碧桃  
花老翁栽菜復栽稻鄰女采桑兼采茶閒煞香蘇山下客  
讀書讀到日西斜石溪同一溪半坳烟隴溪東西落  
花落葉沿流下漁網漁罾夾岸低梅樹綠連松樹綠山禽  
啼應水禽啼聲聲遠笛在何處橋外有橋隄外隄白樂天  
題天竺寺云一山門作兩山門兩寺元從一寺分東澗水  
流西澗水南山雲起北山雲前臺花發後臺見上界鐘清  
下界聞遙想吾師行道處天香桂子落紛紛按此詩乃樂  
天題虔州城外天竺寺今杭州府志收入錢塘天竺寺誤  
矣見東坡詩集第二卷

昔王元美論詩謂華容孫宜得杜肉臨清謝榛得杜貌華州

王維楨得杜一支閩中鄭善夫得杜骨余謂陳少香先生  
豫材弟初至夜談有感四首及溫伊初閩中紀行並感事  
詩字字沈著可謂得杜之骨少香先生夜談詩云驅人是  
何物使爾遠能來見面似曾識問年猶暗猜半肩薄行李  
雙鬢亂塵埃瘴雨蠻煙裏天高一雁哀各有萬千緒欲言  
無緒端別來幾遷變羣李尙平安我獨伊何罪汝猶至此  
寒話閑悲往事蠟淚滿銅盤謫况兼羈况貧魔復病魔萬  
難千苦後一別十年多人事已如此天心知若何江鄉風  
景舊我欲辨漁簑世路艱難甚鹹酸味外嘗親朋半零落  
慰藉愈蒼涼有子乳猶臭無官天許狂海邊今夜月難得  
是連牀伊初閩中紀行云龍首天邊矯行人蟻磨旋崖窪  
吞佛閣雲氣攪炊煙瑟瑟流泉迴疎疎苦竹連閩山稱險

峻登陟信迤邐燕子塘前路鴛鴦共接鄰滿天風雪候七

載別離人草草憐生計依依慰老親暫將書劍卸又復動

征塵東指清流道崎嶇不易由山泉寒到骨石路曲成鈞

却倚千尋壁前臨百尺楸九龍灘險絕棧閣信堪憂老虎

窠仍在焚巢火夜明賦巢在永安老虎窩山川莽修阻盜賊爾縱橫

行客得無懼居人猶自驚將軍射生手親見挾弓行道逢延平

協捕賊黃石灘何惡沈舟幾喪余倉皇登古岸狼籍檢圖書

差喜蘭亭在危將故劍徂一劍沈水而復取之閩谿如此險悔不坐

籃輿紀沙縣覆舟事感事云聞道天山北究回敢陸梁三千馳鐵

騎詔派索倫兵三千往剿八百遞銀章楊威將軍及參贊印皆由京領發天子方宵

旰羣公各奮揚明河期早晚洗甲靖邊防黑水重洋外居

人半粵閩爭桑由小忿投骨遂交信此輩魚遊釜橫場血

化燐不勞飛將度便爾翦荆榛

上命武公隆阿往定而制軍孫爾準已平復之矣

潏潏維揚地洪波接大荒龍鼉爭出沒鴻雁各飄颺賑粟

虛厥廩橫流費捍防昨從淮浦過萬錨在揚莊

楊州大水高寶一帶

田廬淹沒時慷慨金陵守飛書達上台救災循古法濟難

賴良才風急蟬嘶苦霜寒雁唳哀傳言諸牧令早爲築春

臺

江甯守陳公鑾清效富請州救災法安插流民於蘇常各屬

平定張石洲明經

穆

著有身齋詩集明經學問淹洽於漢學

源流能窺其奧精輿地之學嘗與道州何子貞師相切劘

交最深所著顧亭林年譜閻百詩年譜已刊刻行世其未

刻者尙有水經注疏證延昌地理攷身齋文集詩不多作

然作者規矩典重往往入格其題楊忠愍墨蹟云數過容

城縣裴回諫草亭斜行爭座稿細字度人經筆挾風霜氣

人瞻河嶽靈緣知忠正士入法定然精此詩具見風骨

戊申孟冬余之晉江訪摯友陳頌南給諫

慶鏞

留連數十日

余出先母吳太孺人一燈課讀圖屬題給諫成七言長古一篇中一段敘太孺人教誨之嚴及昌彝讀書之苦語極沈摯給諫家晉江城外七里傍山爲屋門前有綠水環之給諫嘗述其十二歲時一日天大雨其家下紫雨凡十三簷他簷無之此亦異事至道光壬寅給諫由部曹補御史是歲其家又下紫雨十三簷給諫嘗有詩以記之余撰句贈之云胸貫赤文四萬卷家飛紫雨十三簷所以紀其實也給諫批鱗敢諫直聲震天下紫雨之奇殆如韓魏公五色雲之兆乎

同里沈幼丹太史

葆楨

家太傅少穆先生婿也年十七從余

習舉子業余授以朱文公小學使熟讀之俾知持躬涉世  
之道幼丹弱冠卽知立品暇則課以古近體詩及漢魏六  
朝賦其擬歐陽公鷦鷯詞七言古一篇視原作幾欲亂真  
幼丹已亥舉於鄉與余爲同年此事之前定也余早以夢  
告之矣道光丁未翰林幼丹尚氣節重廉恥讀書具有特識書法  
整秀師友之誼諄諄懇摯詩筆恬雅明秀都無俗響句如  
鄉思當斜照詩情入暮秋長空雙鳥度邊塞一鞭遙白雲  
三里磴黃葉幾家邨酸風來古塞匹馬向中原數點鳥歸  
樹一燈船過橋壩里孤烟上秋江獨雁過煙籠漁父屋花  
發酒人家皆清婉可誦

大興朱雲門司馬

啓仁

文正公之五代從孫也嘗從溫伊初

孝廉學詩庚戌夏余至揚州司馬來訪余於舟次出其所



著燕蹄集及綠槐小閣草見示詩多雅澹其泛舟螺墩詩  
有山色滄疏櫺煙光護矮屋仙人去杳冥舊館倚空曲寥  
亮聽鐘聲亭臺迥絕俗之句又如遠浦夕陽暝空山流水  
聞高樹鳥爭息孤亭花亂開遠燒紅疑火秋山碧有烟可  
謂風雅宜人

近日師徒道薄如江河日下此則八股制藝悞之也今之第  
子求師者徒以求工八股爲事而於德行道義久不復講  
余謂世道人心之壞自薄於師及薄於朋友始薄於朋友  
者薄於親戚之漸也薄於親戚者薄於兄弟以及父母之  
漸也東吳惠定宇先生棟云師無當於五服然左右就養  
有父道焉服勤至死有君道焉故藥共子曰民生於三事  
之如一也漢重經師其上章也必稱聞諸師曰以明所受

戰國策曰談語而不稱師是倍也荀子曰于其死也則必言而不稱師謂之倍教而不稱師謂之畔

自表師喪弃官行服具兩漢書故經義莫明於漢人材亦莫盛

于漢自經師亡經師亡于東晉而古學亦亡而仲山之古

訓不存詩古訓是式亦夫子之雅言亦絕論語曰讀先王

典法必正言其音然後義全家于是有施悖求佛而疾其

師者矣有燕朋燕辟而逆其師者矣唐石經禮記荀卿言

倍師之人明君不納諸朝士大夫不與之言蓋師道不立

則經義不明經義不明人材所以日下也朱竹垞襟詩云

嗚呼在三義有若日在中六經各有師不及斷梳工昔賢

服心喪期與生我同薄者無不薄奚事鳴鼓攻

先母吳太孺人一燈課讀圖題者甚衆同里家太傅少穆先

生題五言長排二十韻中敘母教語意該括詩律謹嚴序

云林母吳太孺人吾家薊谿孝廉生母也年二十一歸太翁卿雲先生先生以家計故航海遠遊孝廉方髫髻端重不苟言笑太孺人教之嚴七歲從學官觀釋菜歸太孺人問之曰兒見殿上高座之聖人乎見若四配兩廡之賢人乎是皆古之讀書窮理仁義道德中人兒當學之科名身外事耳以故孝廉卽能知立志稍長出就外傳有族人謀使孝廉行賈者太孺人爭之力不得則自擲於井援而甦議亦寢孝廉旣得卒業益自奮邃經學博極羣書尤精三禮年甫冠聲譽大起道光二年三月之朔太孺人年五十三以疾卒彌留語不及其他惟切切以立身行己詔孝廉於是孝廉益潔修克勵品學日優道光己亥以副貢生舉於鄉六上公車未售庚戌秋從京師歸出其所繪太孺人

一燈課讀圖屬題余固重母之賢又深羨孝廉之種學積  
文有以成母志也謹題五言二十韻於後詩云九死爭儒  
業三生衍珞艾春暉懷績室夜課記書巢母範垂彤管兒  
身識紫胞縱遭懸磬實肯使納楹拋倚市謀交孤牽車議  
欲消牕虛書似葉井哭經成茅激切中閨志研摩大雅交  
宮牆瞻俎豆儀器訪陶匏孟晉須爲力詒癡那許嘲范滂  
佳傳讀表聖妙詞教阿母親教學步虛同空表聖句也偶倦夢先折將明  
析正敲蟲吟催唧唧雞喔雜膠膠舌本蓮翻朶心葩竹解  
苞遂盈九經庫盡飫百家肴樸學羣賢讓名篇衆腕鈔方  
鳴文囿鳳待起墨池蛟歎息搖風木淒涼付電泡機絲虛  
月下燈焰闇林梢經幌留韋遲身衣感孟郊行看花誥錫  
親捧出螭蚺

長源集八卷長樂陳長源

州

著長源詩稿已佚陳梅修先生

家藏長源題畫七律一首詞旨清婉朱竹垞明詩綜遺之

更有輯唐句宮閨組韻一百二十首其師徐興公嘗序之

本藏劉炯甫孝廉家梅修先生向余借鈔嗣炯甫所藏原

稿被其師某大令付之火噫過矣今從梅修先生所藏本

錄出喜其綴對天成論詩者亦不可偏廢也夫采蘭贈芍

之詩爲聖人所不棄況輯句乎宮詞句如蟾蜍夜豔秋河

月

李商

乳燕涼飛玉宇風

胡宿

椒房窈窕連金屋

駱賓王

珠箔

輕明拂玉墀

李商

風傳刻漏星河曙

皇甫曾

寒入罽毼殿影

昏賀藍絲重勒金條脫

曹唐

紺髮初簪玉葉冠

李羣玉

鏡奩塵

暗同心結

錦馬

金粟粧成扼臂環

羅虬

龍銜寶蓋承朝日

盧照

隣獸坐金牀吐碧烟

薛逢

前檻蘭苕依玉樹

胡宿

捲簾羅綺豔

仙桃蓬流鶯百轉和殘漏鄭谷海燕雙飛坐禁林唐曹銅壺滿

水何時歇劉禹錫御苑砧聲向晚多李千乘寶車珠箔捲袁

約一叢高髻綠雲光王涯總把玉鞭騎御馬王建新裁霧縠門

神雞史蛾眉不入秦臺鏡錢起樂府皆傳漢國詞儲光義翠袖

自隨迴雪轉李商隱紅顏無奈落花多吳融玉樹九重常在夢

諫宮花一落旋成塵李益御氣馨香蘇合啟陳標日華浮動翠

光生杜牧林間彩殿籠佳氣張說雲際金人捧露盤薛逢楊柳亭

臺凝晚翠劉得仁芙蓉簾幙扇秋紅譚用之丁東細漏侵瓊瑟

溫庭筠凌亂楊花撲繡簾張泌葱龍樹色分仙閣楊巨源斷續歌

聲接太微宋綵仗紅旌繞香閣宋之問鸞歌鳳吹動祥雲顧況

瑤氣迴浮青玉案歐陽宮門青鎖綠楊天譚用之扇裁月魄羞

難掩李商隱燈灝秋光靜不眠薛能露氣暗通青桂苑李商隱日

華搖動鬱金袍

許

纔歸龍尾銜雞舌

許

頻倚銀屏理鳳笙

卓梅粧

向日霏霏暖

吳融

紅臉啼珠旋旋收

李山甫

銀盃乍滅

中心火

賦

絳縷猶封繫臂紗

杜牧

爐煙乍起開天仗

皇甫湜

魂

夢先飛近御香

李中

內人唱好龜茲曲

王建

中使頻傾赤玉盤

維後官得寵人爭附

王維

素

廣宴當歌曲易終

許敬

自憐碧

宗

玉親教舞

芳草長含玉輦塵

羅

雲渡鎖窗金牘濕

李

月當銀漢玉

盧藏

繩低棠梨宮裡瞻龍袞

崔

簫管筵開列翠蛾

許

一聯佳

氣隨流水

韓夫

萬樹垂楊拂御溝

張

青鎖銀簧雲母扇

羅幃翠被鬱金香

盧

玉桂影搖烏鵲動

李

笙簫聲逐

鳳凰

沉

閨詞句如心寄碧流空

婉孌

劉

語來青鳥許

從容

曹

軍影可堪明

月照

貞心

獨有

老松

知

香迷

蛺

蝶

從容

從容

曹

軍影可堪明

月照

貞心

獨有

老松

知

香迷

蛺

蝶

從容

曹

軍影

可堪

明

月照

貞心獨有老松知

香迷

蛺

蝶

從容

曹

軍影

可堪

明

月照

貞心

獨有

老松

知

香迷

蛺蝶從容

曹

軍影

可堪

明

月照

貞心

獨有

老松

知

香迷

蛺

蝶

蝶投紅燭

張蠟

塵壓鴛鴦廢錦機

鄭谷

蛩辭敗草鳴香閣

李咸用

燕蹴飛花落舞筵

杜牧

蠟燭半籠金翡翠

李商隱

綠楊高映畫

鞦韆

韋莊

自傳芳酒翻紅袖

楊巨源

似有微詞動絳唇

唐彥謙

扶

起綠荷承早露

司空曙

欲書花葉寄朝雲

李商隱

彩鴛靜占銀

塘水

胡宿

絡緯愁啼金井闌

李賀

妝樓翠幌教春住

沈佺期

高調

鳴箏緩夜潮

王昌齡

微收皓腕纏紅袖

盧綸

却把金釵打綠荷

李用

鶯傳舊語嬌春日

章孝標

鳳吐流蘇帶晚霞

盧照隣

白芎

不堪論古意

李咸用

丁香空解結同心

韋莊

赤水夢沉迷象罔

曹邺

金鍼寄罷拜嬋娟

羅隱

鴻雁不堪愁裡聽

李願

鷓鴣休傍耳

邊啼

韓愈

蘭麝飄香初解佩

毛文錫

水仙移鏡懶梳頭

項斯

孔雀

魚言

海上青山隔暮雲

李賀

鴉髻巧梳金翡翠

章孝標

麝薰微

機

魚言

海上青山隔暮雲

李賀

鴉髻巧梳金翡翠

章孝標

麝薰微



度繡芙蓉

李商隱

常遣傍人收墜珥

張

時窺雲影學裁衣

然僧

曉

墻蟻相逢如偶語

劉長卿

顰蛾對影恨離居

李白

自把玉簪

敲砌竹

高適

暗垂珠淚滴蠶筐

李山甫

莫度秋風吟蟋蟀

杜甫

聞寒雨濕芭蕉

徐凝

春蠶到死絲方盡

李商隱

芳草何年恨始

休

杜牧

寒角莫吹殘月夜

章莊

好花爭奈夕陽天

張泌

千年別恨

調琴懶

譚用之

七字文頭豔錦迴

楊巨源

琪花玉蔓應相笑

羅鄴

紫蝶黃蜂俱有情

李商隱

碧山終日思無盡

杜牧

巫峽歸雲夢

又闌

李商隱

終日相思却相怨

李商隱

一盃成喜又成悲

劉長卿

山牽別恨和愁斷

羅隱

寒忍重衾覺夢多

溫庭筠

香燭有光坊

宿燕

溫庭筠

碧池新漲浴嬌鴉

杜牧

疎簾看織縹蛸網

盧綸

閒封荳蔻花

皮日休

不知紅豔臨歌扇

陸蒙

但惜流塵暗洞

房

李商隱

空翠入簾窺素貌

李商隱

殘紅滿地碎香鉏

毛震

愁黛

不開山淺淺融星河無夢夜悠悠宋怨入清虛愁錦瑟也

淚沿紅粉濕羅山詩金縷機中拋錦字劉禹錫紫煙衣上繡

春雲各簾外落花閒不掃溫庭筠爐中香氣盡成灰孟浩然燈

欹短焰燒離鬢羅隱妝發秋霞戰翠翹李商隱長疑好事皆虛事

李山莫遣佳期更後期李商隱樹影悠悠花悄悄曹唐愁雲漠

漠草離離竇牟愁憐粉豔飄歌席羅隱回看羅衣積淚痕戴叔倫

驚風亂颭芙蓉水柳宗元秋月空懸翡翠簾權德輿金盆已覆

難收水劉禹錫明月無情却上天薛逢楊花撲帳春雲熱李賀秋

日當階柿葉陰李商隱

余喜聞吳江吳漢槎先生兆騫秋茄集漢槎順治丁酉舉人音節蒼涼

氣體高妙近代詩家可稱傑出漢槎胸次英朗忠孝激發

比感時恨別弔古懷人留連物色莫不寄趣哀涼遺音婉

麗宋君旣庭謂其詩以盧駱王楊之藻采合李杜高岑之  
風格使與北地信陽並驅中原尚當退避三舍矧歷下長  
興諸公哉漢槎嘗與汪鈍翁同出吳江東門意氣岸然不  
屑中路忽率爾顧鈍翁述袁淑語曰江東無我卿當獨秀  
旁人爲之側目徐君虹亭云漢槎驚才絕艷數奇淪落萬  
里投荒驅車北上時嘗託名金陵女子王倩孃題詩驛壁  
以自寫哀怨情詞淒斷三輔間多有和者其同邑計甫草  
詩云最是倩孃題壁句吳郎絕塞不勝情漢槎徙塞外朝  
鮮使臣李節度雲龍以兵事至寫古屬製高麗王京賦遂  
草數千言以應其國重之又自云仿佛班揚其狂態如故  
無錫顧貞觀梁汾寄漢槎詩云萬里誰能憶三都只自傷  
聲名箕子國詞賦夜郎王淚盡臨關月心催拂鏡霜李家

兄妹好倘復惜班楊沈歸愚先生云漢槎無辜被累戍甯  
古塔比于蘇武窮荒十九年矣然緣此詩歌悲壯令讀者  
如相遇於丁零絕塞之間漢槎將赴遼左留別故人詩先  
敘少歲才華故鄉遊讌以次入蛾眉謠詠萬里投荒有不  
堪南望者矣與楊升菴宿金沙江錦津舟中別友諸作同  
一悽惋漢槎雖遭放廢而嗜古不倦出關時以牛車載書  
萬卷在塞外日與羈臣逐客飲酒賦詩曾結七子詩會分  
題角韻月凡三集困阨中有此韻事能窮其境不能奪其  
才彼工上官術者究何益哉後色侍中爲漢槎獻長白山  
賦 聖祖覽而稱善其友人宋相國徐尚書捐金贖之始  
放歸

男慶煒

射鷹樓詩話卷十五

侯官林昌彝惠常輯

萬里遊草二卷慈谿張雪君大令

廣垣

著大令嘉慶己丑應

禮部試不捷將南歸適長白玉研農大司馬

德

持節伊犁

邀同行由山陝甘肅出關越五閩月始抵伊犁往還二十

八箇月行程二萬里有奇雄邊要塞得之聞見類多奇偉

怪特故發之於詩悉雄傑之氣次烏魯木齊云紅席峯巔

雪意收

城外山上有紅席故俗呼烏桓爲紅席子

隻身萬里寄荒郵山川舊是

車師國勲業空懷定遠侯雕影翻雲寒大漠笳聲吹月落

危樓窮邊不盡登臨感白草黃沙自古愁伊江竹枝詞云

瑤街冰骨峙嵯峨燈夕聲鏗紅繡鞦好趁一輪明月色鼓

樓西畔聽農歌

自注

屯地兵民於元宵扮漢唱秧馬與內地相似

天光黯淡淨

無塵凝睇荒郊草不春上已清明都過了雪花猶撲倚樓

人戎裝半卸聚閒庭快飲葡萄酒未停直把端陽作寒食

門前都插柳條青三庚曉起總如秋亭午何曾薄汗流翻

是炎威斜日裏涼風不到望河樓自注伏日午後酷熱不減內地二更以後可襲

綿北關門外駐香車舊曲伊涼譜琵琶昌黎按琵琶字唐人皆作仄音讀近代

朱竹翁駕鸞湖樓歌云龍香小柄琵琶不是窺從絢扇底

誰知塞女貌如花幾樹垂楊宿暮鴉中庭無露洒秋花一

響畫出蛾眉月不待初三始見芽自來伊江無露每月初二即觀新月八嘉

峪關云亂山萬疊莽躋攀策馬勞勞此入關關吏迎門應

笑我滿身帶得塞雲還名句五言如嶽色曉逾碧河流秋

更清雲隨鄉夢遠詩襟寒聲多日光垂野白河勢抱城圓

歸鴻催曉角征馬感秋聲崑嶺暮雲合玉門秋思多山川

周洛邑殿閣漢東京七言如弓影孤懸邊塞月角聲寒迸  
薊門秋西域投鞭青海濶南天回首白雲飛晚風黃葉邨  
邊酒細雨紅城驛路詩帳前月落寒刁斗海上塵消息鼓  
鼙空階得月真如水老樹非梅盡著花

作仙霞關詩須雄偉稱題周櫟園

亮工

仙霞關詩雖膾炙人

口尚非其至也閩縣陳恭甫先生過仙霞關四律氣魄沉  
雄詩與題稱高於周作遠矣其詩云萬馬奔雲截翠屏東  
南一柱此亭亭十洲地人無邊碧百粵天低未了青絕磴  
捫梯爭鶴鵠虛崖裂礪走風霆淮南抗疏千年後信有王  
公設險靈越王臺上海雲馳曾憶將軍下瀨師空詫九龍  
拳寶帳頓看萬騎拜珠旗一門箭筈通天迴半壁山河落  
日遲回首高峯橫裂地猶疑深翠宿熊羆

李文襄抗耿賊之處及康良親



王率大兵至賊將獻關降遂平之

上方鐘磬入雲迢積翠中天鏤寂寥蘭

櫟宮壇羣帝近桂旗風雨百靈朝融城白雪迷春戍傍  
紅泉飲暮樵獨倚藤蘿乘縹緲寒花酌酒亂山椒城上雲  
隨石扇開黃蒿猶冒女牆隈三更鼓角催星落萬谷笙鐘  
挾雨來楓嶺北行邊地斷漁梁南去惡灘迴一夫荷戟寧  
常事莫遣啼猿日夜哀

古今咏夕陽詩皆未得其神陸龜蒙夕陽云渡口和帆落城  
邊帶角收如何茂陵客江上倚危樓前人咏夕陽似矣而  
非其至也明人多咏夕陽佳者絕鮮嶺南梁荊亭夕陽詩  
亦未能超脫錢塘袁簡齋詩云松根明細草天外表孤村  
亦近泥阮芸臺相國詒經精舍集所登夕陽詩多著迹前  
明湘潭周九煙星有夕陽五言古四十韻中有警句云吁

嗟一夕陽宇宙相終始又河山送興亡城郭古今異錢塘  
梁君紹壬秋雨盦引仁和女士孫秀芬咏夕陽云流水杳  
然去亂山相向愁以爲絕唱余謂寫夕陽最爲渾脫者無  
過於嶺南溫伊初及建甯張亨甫亨甫句有遠浦栖鴉秋  
有迹空山流水古無人溫伊初詩云萬峯青未了天半八  
斜陽閃爍金銀氣玲瓏水草光山河行渺渺今古去茫茫  
無限升沉感登高頻八荒此與亨甫詩皆能繪出夕陽之  
神可稱高手

余年來舟車南北登山臨水風雨懷人嘗於旅次誦雄雉之  
詩云瞻彼日月悠悠我思道之云遠曷云能來其纏綿悵  
攄之音讀之令人神往舟中誦梧溪翁遠遊吟云弱水西  
北流滔滔去不息人生莫遠遊征途蒼莽何終極西莫上

隴頭山隴頭流水聲淒寒南莫下瞿唐峽瞿唐峽上舟如  
葉更聞卽嶮坂九折縱有騏驎行不得雪山嵯峨高插天  
行人見此凋朱顏遠遊吟苦悲心君不見田舍翁守空谷  
足局促一生裹頭不出門室有兒孫倉有粟

詩賦男女之情爲三百篇所不廢感春傷別有託而言亦宜  
發乎情止乎禮義耳前明王次同近代袁香亭皆好色而  
淫者也其詩吾無取焉梧溪翁塗中有懷云采采紅榴花  
南登龍首山榴花何灼灼恍惚見朱顏朱顏不可見相隔  
萬重關願爲西馳日流光照君鬟戴蓉洲別詞云簾鉤當  
門繫不挽行人騎柳絲繞戶斜不絆行人車惟妾一寸心  
隨郎到天涯郎去歸應早妾心似秋草莫待嚴霜飛空悲  
顏色稿其詞旨婉約不失爲風人之趣

臨桂朱蘊山司馬鳳森著有蘊山詩稿四卷

嘉慶辛酉進士  
濟縣知縣以軍

功加同知街道光二十三年入祀名宦祠

司馬以名進士出宰濬縣有政聲遺

愛在人嘉慶十八年滑匪滋事縣爲滑邑之肘腋賊衆蜂  
屯圍益急司馬捍衛全境堅守月餘城賴以安其爲詩精  
熟選理而取法唐人之氣體聲調故詞理兼茂音壯而氣  
益清昔人所謂身履戎行之地發於篇什往往有金戈鐵  
馬之音司馬有焉樂府諸篇風骨直逼青蓮亦近世所稀  
也余交其子伯韓侍御伯韓出司馬所著蘊山詩草示余  
曰昔先司馬好詩家居出遊從宦寢處飲食未嘗去詩與  
子弟言學未嘗不及詩則司馬可謂性於詩矣其秋日詠  
懷云我有焦尾琴千載聆妙音一彈流水曲水清如我心  
秋入浮邱山秋雲夕以陰於我奚不足而況居深林沿澗

攀貞松山谷鳴幽禽再彈猗蘭操幽芳襲衣衿昔余好五  
嶽名山思遍遊載見松與喬相與登仙舟釣竿雖自理於  
此悟臨流小魚易爲餌大魚或沉浮遠彼北山岑濯足東  
海洲珍重古人心無與亦無求廬山何岩巖上有香爐峯  
翠落碧天外一朶青芙蓉仙人讀書處杳杳思仙蹤尚有  
太古石苔花紫豐茸雲林飛絳雪碧水沉蛟龍何如訪蘇  
耽鶴巢千歲松採蓮曲云荷花生極浦荷葉發田田下有  
同心藕上有並蒂蓮中有採蓮女貌美如韓嫣搖蕩採蓮  
艇攬亂鴛鴦眠鴛鴦三十六一一飛上天新鄭摩旗山貞  
石歌云貞石屹立摩旗山擎天拔地撐人間匠氏椎鑿出  
深谷石兮嶽嶽排權奸奈何明社紀綱紊陰霾錮蔽天難  
問青厥貂璫氣燄粗百官跪拜忙如奴縣令以此作拜石

兼車運載犇長途千人力竭萬牛喘石兮石兮不可轉豫  
讓橋云豫讓橋頭日正午世人那知存炭苦廻身西望汨  
如雨豫讓橋西流水寒報讐未得無面顏哀哉國士立人  
間廉頗壘云將軍如髮氣如虎下箸能餐十人脯將軍才  
雄心轉謙負荆長跪書生前荒烟蔓草歸何處趙國白雲  
猶在天銅雀臺云漳河畔草青青生不必周文王死不必  
漢將軍臨漳霸業有時盡銅雀臺荒何處尋歲暮遠爲客  
云已丑臘月十一歲暮遠爲客天寒空自傷一年無暇日  
新鎮題壁百里宿春糧鹽埠梅花白淇門麥子黃抱琴何處去烟月  
晚蒼蒼歲暮遠爲客籃輿見大星月銜新鎮白雲斷太行  
青冰結魚蝦貴山空鳥鼠腥僕夫盡泥瘁道口往來經項  
王祠云揖讓征誅後民心屬漢劉江山歸鹿時天地割鴻

清蕩掃秦王業空沉義帝舟重瞳方虎視萬帳楚歌留角  
射云分弓人射鹵玉帳重英豪夜月嘶邊馬秋風吹戰袍  
草枯鵬性急霜勁雁翎高指顧搜狐兔中營莫憚勞秦淮  
三首云誰斷金陵鑿此湖秦淮風月有詩無迷樓天暝雲  
如幕燕子春深酒漫沽碧樹紅橋藏翡翠青簾白舫冷雕  
菰我來爲訪雲間陸虎踞龍蟠壯此都隋楊如薺隔江齊  
遊徧前蹊復後谿明月艇搖青雀遠紅樓聲逐玉簫低湖  
間怪石狂遮面席上香橙綠到臍金粉相隨鐘阜晚誰從  
雲竇覓丹梯往歲瓜州八蔣州曾懷邀笛步風流人間已  
失烏衣巷江上猶存白鷺洲煙月無情君去後湖山有待  
我重遊鳳凰臺畔蘭陵酒不到秦淮又五秋與內第話舊  
第三首云漫道天涯若比隣打包僧且走風塵雲烟過去

皆陳迹海岳歸來不救貧婚嫁勞勞先累我綿袍惡戀有  
誰人一官匏繫今如此繫劍長歌氣益振自嘲云學書學  
劍憶丁年一事無成竟惘然剩有傳家詩一卷悠悠四十  
七年前達夫五十始能詩此後能詩未可知歲月消磨人  
自老空山春雨月明時其守城詩句之可錄者如滑國已  
愁花片掃浚郊驚見蠟丸來隔縣方騰獐賊燄截江猶恐  
餓民譁北門鎖鑰浮邱壯東枕雲濤衛水深四野黃霾走  
砂石三秋碧血瑩刀鉞千村狼狽愁雲慘幾處鯨鯢孽海  
填百道愁添心上壘孤城危似劫間棋嬰城漫說書生勇  
振廩惟求百姓安又譙集守城紳士句云背城一戰甘同  
死守土重來喜再生莫言李愬平淮易誰識張巡守濬難  
櫻桃軒詩集二卷同里謝甸男廣文震著廣文詩氣魄沈雄



格調高壯音節嘹亮神韻鏗鏘初讀之音若變宮變徵而實律中黃鐘之宮又如曉角秋笳淒清入聽七律高者直入浣花之室次亦不落開寶而下吳中錢牧齋論詩往往輕薄吾閩詩派惜不能起牧齋而一讀之廣文篤學嗜古熟三禮性亢直交友有緩急死生以之讀史傳百家之言必實事而求可用旁逮篆隸金石星卜形法醫術靡不通曉舉乾隆己酉科鄉試試禮部屢黜廣文久羈旅數往來河雒關隴荆益之間匹馬踟躕周覽古來用兵形勢成敗得失輒喟然悲吒酒酣縱談覲奉天下山川阨塞畫地成圖口若波濤袞袞可聽乾隆末自四川歸過漢中謂人曰終南亘七百餘里連跨數郡秦蜀門戶也守險安可忽耶庸以西夔巫以東巴閬之北武都之南大山老林蝘蝓其

間今將吏狃承平而弛控馭不數稔難其作乎及嘉慶初  
邪教起襄陽蔓延秦蜀果以南山爲巢窟朝廷於是卽  
山內置大帥宿重兵改五郎營爲甯陝鎮廣文言皆卒驗  
廣文壯時踔厲激蕩志氣若不可一世然每風雨凄晦烟  
月靚深徘徊景光欲歔欲絕不知哀樂之何從也其夏夜  
同陳三國華陳六鼎鑑郭十周藩登凌霄臺詩云中夜清  
興發探幽散塵悃本與青山鄰况茲良朋繼寒裳躡危梯  
側身陟層巘苔滑露下深天高雲去遠俯首眺南溟浪濶  
魚龍偃萬古長鴻濛憑誰問混沌松風颯然至衆竅相往  
返平野驅波濤羣山奔蜿蜒震眩不可留爽籟吹下坂攜  
手歌歸來柴門月已晚核桃店早行云秋風客子忙何太  
孤館殘更悄無賴疲驢齧草吻有聲饑鼠拱鋌眼全眯京

華年少多冠蓋中原匏落空塵壑寒霜照影束衣帶殘星  
墜水踏清瀨月黑深林鬼語悲泥蟠石磴虎跡大時驚短  
褐樹榦挂偏留餘寐馬頭磻運舛惟愁塵世隘途窮早視  
生死泰茅柴邨店試澆春初陽一線寒山外草涼亭云草  
涼亭子山之了雨三破屋疎復斜溪雲作雨欲騰絮嶺霧  
漏日看籠紗一雙粉蝶暖成趣幾樹老梅寒未花臨厓弔  
古者誰子道旁躑躅生咨嗟寒夜懷李六閭栖云鼓角喧  
寒夜星霜落海隅天風吹水立官燭照人孤思我同袍友  
羈栖笠澤湖不知今夕夢飛渡越江無留壩早行云馬首  
接殘月雞聲催曉天虎驚當路石猿聽隔溪烟遺蹟空青  
裏雄心大白前何人傳辟穀助業卽神仙漢中云彌望碧  
萋萋平蕪草樹齊山從斜口斷天向漢中低戰伐餘逢顛

英雄孰枳栖炎靈終始祚嶧漾至今西殘陽云輕塵漠漠  
雨淒淒鴉背殘陽一道低笑折楊枝天外指斷虹秋影落  
關西南星云秋山鬱鬱水泔泔閑道風清響馱鈴衡雁一  
聲孤霧起行人和雨宿南星

諸體詩以七言律爲最難 國初顧亭林朱竹垞吳梅村宋

玉叔而後作者實無幾人吾聞近今能爲七言律詩者首  
推謝甸男先生震蓋其氣魄沈雄風格高壯足以雄視一

代今專錄其七言律若干首俾讀者知甸男七律視前明

前後七子有仙凡之別耳其贈汪十舜安詩云傾蓋江城

縞紵投十年同調歎沈浮句傳潭水桃花渡家說仙人黃

鶴樓君欽人去國虞翻還入海時赴崇傷春王粲尚依劉

憑君莫唱鄉關曲芳草晴川無限愁時襄陽道秋海棠云

射鵰樓詩話卷十五

八

玉碎香銷往事空更將遺恨託芳叢碧蓮攣寸絲仍繫絳  
蠟成灰泪尚紅千載癡情鍾我輩一生顏色借秋風劇憐  
同調歸花譜但嫁春皇便不同其二云幾年蜀國對離尊  
又伴萍蹤到海門名士傾城同薄命淡烟殘月與招魂長  
廊人靜寒蛩咽曲院燈繁暮雨昏我亦西風腸斷客欲携  
茵俎夜深論聽鷓鴣曲云邂逅盧家白玉堂娉婷未嫁惜年  
芳湖中蓮子堪求藕天上弧星只對狼自有珠囊承絳露  
不勞玉杵搗元霜鏡波一曲橫斜水珍重三生問阮郎其  
二云瘦盡文園馬長卿秋風秋雨不勝情車輪腹內應常  
轉碁局心中總不平都尉鴛鴦驚絕艷廬江孔雀惜分明  
定知雨美須并合底事香車滯六萌書樊川集後云千秋  
悵望杜司勳使酒談兵迴絕羣河北猶留天子使淮南空

老殿前軍涼風斜日悲張好細袖清尊索紫雲誰識揚州  
十年夢一般寥落信陵君燕云纔是春醪賽社酺新來語  
燕訂將雛未妨公子歸天上莫遣王孫泣路隅珠滿金霞  
歌赤鳳香濃錦帳隱雙英與君本是家禽好肯惜南塘爲  
結蒲其二云左言嘖嘖香難分翠翦紅襟樂我員莫學新  
交翻似雨也知舊夢冷于雲宿移銀燭綠坊尒歸捲珠簾  
爲待君今日畫堂誰是主芹泥蟲吐忍紛紛其三云綺閣  
何人教玉簫錦衾無那可憐宵雕梁應亦聞長歎珠館何  
勞問每朝翠幕海棠原似睡金籠鸚鵡久無膠眼看春色  
歸南浦珍重銜花過板橋其四云日長底事語丁寧春草  
池塘攪夢醒玉冢好留紅縷信香泥休汗太元經窺人巧  
伺垂犀押拖翦頻搖胃索鈴莫倚身輕太飄蕩雕籠聞殺

海東青秋燕云秦樓幾日下西風故國烏衣夢想空掠遍  
斜陽衰草外語殘微雨畫簾中連朝朔氣隨邊馬昨夜秋  
聲有塞鴻歸去海天雲水濶杳梁儘好是飄蓬秋柳用魚  
洋先生韻云郵亭一望愴離魂萬里西風接楚門玉笛關  
山殘月影金笳塞隴曉霜痕軍容寂寞陶公壘砧韻淒清  
浣女邨不獨長條消歇盡漢家大樹更誰論其二云朝來  
猿鶴怨新霜煙縷紛披落野塘天上旗槍躔井絡地中鼓  
角轉車箱風條極目迷三楚故國憑虛弔二王蘇詩二王  
臺閣已南  
其自注湘東  
高氏二王借問踏歌花豔女秋來誰上白鞦坊其三云  
木陵秋雨灑征衣回首江城事總非破額山頭人去盡細  
腰宮裡夢來稀燒殘官道蟬聲斷照入清江燕子飛多少  
征南揮袂客大堤相送意相違其四云如此拾塠瘦可憐

朝陽一抹淡秋烟傷心雁序空留影著意閨情欲寄綿壯  
士金城猶裏甲將軍玉塞漫經年莫教黃鶴樓頭笛吹徹  
離聲到日邊寒食登高會閣云一百五日花亂飛絲條下  
矚紅已稀誰家澆飯哭青冢有客登樓愁翠微薄暮東風  
吹雨急遠邨流水送春歸登臨無限傷遲暮北望長吟淚  
滿衣邳州早行云聽罷荒雞束帶興驟網小隊出松期月  
沈苦霧渾無影風射寒空覺有稜遠岫紅翻千點火高蹠  
白蹴一河冰微吟擁鼻關山路瑟縮真如被凍蠅清湖道  
中卽事云雲陰容裔蕩晴虛爽氣迎人入筍輿平野風痕  
翻影亂繚垣秋色豆花疎琴如閣道裝猶薄錦託江郎夢  
乞餘二君皆山人一事稱懷差自慰歸期猶未負鱸魚仙霞關  
用周櫟園先生韻云窄徑盤紆入亂峯翠微深瑣碧芙蓉



松關束隘風爭捲溪漲摧輪水廢春紅葉煎茶供客話綠  
筠書字記遊蹤年來倦甚東西路惟有看山眼未慵其二  
云關門憑眺躡危塗懷古深嗟大厦扶一旅親提空憶李

三藩潛構實通吳清江捲甲軍飛迅步障徵歌事有無

蕭蠶龍先生至此耿精忠使人遺以錦茵步障廣可數畝蕭故豪侈得障即大徵菊部留連數日逆謀成遂破禽

欲問興亡舊時跡夕陽惟對成樓孤其三云參差旗勢萬

峰長擬似孤雲兩角張山骨鎚幽窺石炭瓜皮駛溜落松

香樹間人語傳空際烟外鐘聲出上方到此俗懷都滌盡

塵纓那用濯滄浪其四云南山雨氣北山通薄靄孤邨靄

色隴甕雷窺天烟補隙篲泉蒸澗木剝中雲根漏日前峰

幻磴脊緣霄左擔工贖有琴書餘一束年年泥爪認飛鴻

訪官二崇不遇却寄云雁暝風高欲暝天尋君無那又空

還夕陽門巷無行跡秋水寒潮有暮烟仲蔚蒿萊三徑合  
孝先經術五車便歸途獨詠荒誰和悵望碧雲孤鳥邊舟  
中感事呈陳大同年恭甫云羈懷側側杳難分鎮日圖編  
借解紛江上愁心長爲月醉中鄉夢總如雲南荒未散樓  
船卒北使仍屯博望軍多少關山行路感書生懷槩欲何  
云旅感和恭甫作兼懷李五同年秋潭云盛時無事賦離  
憂投筆須爲萬里遊獻策古來隨計吏攬衣今始共仙舟  
霜高海國魚龍夜風勁雲霄鷹隼秋莫向滄江驚歲晚看  
花一路到瀛州其二云篷窗風日共清新籤帙紛紛討論  
頻石鼓岐陽搜戊午銀編宛委讀庚辰連朝縱酒甯無賴  
五夜高歌自有神但覺東南可乘輿不知西北幾風塵其  
三云聞道甘泉校射聲雲麾大纛尙專征井蛙竟欲封函

谷銅馬休教斷洛京絕轡縱銘中冀野飛軍應取下江兵  
鬼親已是三年伐諸帥何當答太平其四云絕學傳經憶  
李尋天人消息悟精深相思夢到青楓冷寄遠詩成曉月  
沈洛下書生慙謝石黃初詞客見陳琳關河聚散還多感  
吟斷蘭成涕不禁蒙洲云倚棹滄波住小時孤邨風物繫  
人思日斜沙與雞豚散水暖煙江雁鷺知淳悶似聞廉讓  
里風流欲訊女郎祠清湘亦有琅玕寄悵望雲輶青桂旗  
無題云萬里風雲接塞昏儒生孤憤竟誰論美人歌舞空  
南國大將旌旗自北門今日朝廷需上策古來興廢寄  
中原少年意氣吾何敢短後征衫有淚痕不寐云喚醒驚  
魂子夜歌故山一霎別嚴阿半天曉角星霜迴五夜秋江  
風浪多銀燭有光鄰鏡檻錦衾無夢到金河他時雨雪關

山路酒渴更賤可奈何送若簡叔父之蜀訪子疊前韻云

老去翻披短後衣舊遊回首悵雲飛

余前後三入蜀時去蜀已六年

魚鳧

故國迷王會蛇鳥高秋鑠姊歸已分欄斑辭井絡

清弟佐幕閬城

先時已有還閬信

更煩策杖訪支機張儀樓下春江綠早買輕帆

返舊扉自題云一卷殘魂手自編他時誰與弔樊川桐經

半死仍孤賞蟲號相思亦可憐未免冬郎慙少作已多秋

樹感長年西風翦紙招何處破楚門東急暮蟬富庄驛書

蜀女鵲紅題壁詩後云一曲鵲啼不可聽紅顏飄泊寄零

丁慈幃漫冀生無恙破鏡終期合有靈夜雨魂歸秦棧黑

春風恨入薊門青金焦他日休西望沱水南來尚血腥登

通州城西樓云高臺天半鬱孤蹤今古愁懷挾寸胸碣石

潮聲沈禹蹟薊門烟靄鎖堯封千秋北海孫賓石獨立雲

間陸士龍通路亭西一回首怒濤風捲暮山重北行襍詩  
云殘更帶夢走天涯霹靂鞭聲激電車霧裡風銍昏似漆  
曉來霜草白干沙荒祠鬼馬斷頭立叢塚羣鳥相命譁亭  
午邨醪才破凍忍寒呵筆試尖叉其二云行馬門張保障  
功狂生片刺未容通敢將凡鳥題朱邸竟有真龍走葉公  
繡戶空候彈了鳥瑣窗珠串按玲瓏千金獨立空亭望却  
羨王孫遇未窮予以試燈時抵淮其三云通天臺迴接芒碭欲喚  
高皇作武皇寒日霜高橫野白驚沙風捲入雲黃攀轅父  
老聞寬詔擊筑英雄戀故鄉千載山陵魂魄在販繒屠狗  
幾侯王其四云東阿春霽似南陽三十年前路未忘紀杏  
人家山絡角淥隴邨店旆悠揚麴塵風漲青驢醉菜甲晴  
薰粉蝶忙策雪半拖衣半袒馬頭聽唱小秦王其五云太

行長劍溢懷襄寬賑于今累 廟廊薺麥春深迷馬閣楊

梯風颭入車箱

二渠皆在河間今廢

漢家都水徵劉向秦帝稽圖按

督亢

今藏家橋地

如此川原甘坐廢羣公何以答宣房落花和

吳三進士云登臨何限惜春歸極目殘紅上下飛三楚煙

風

迷遠道六朝江水送斜暉何曾中酒膏騰立似有離魂婉

婉依一度芳菲一惆悵相逢那得抵相違其二云斷雨零

烟黯不收五更春夢逐沈浮難除薄倖三生約便作香魂

一哭休此去定翻前度樣再來可是舊枝頭兒家生小黃

金屋簫壘還應傍玉鉤其三云高臺莫自眺斜矐杜宇聲

聲不可聞天下傷心還著我人間恨事恰逢君舟橫野渡

霞將暮客上離亭酒半醺擬託瑤華問消息不知何處覓

朝雲其四云盡日摩挲望欲消殘陽又送到衡茅琴尊此

後無良匹蜂蝶從前有勢交冷落何須叅究竟清涼也自  
費推敲如今喚醒春婆夢紙醉金迷盡幻泡其五云如此  
東風未念酸回黃轉綠太無端著衣猶惜經天女落溷何  
緣到下官正可垂簾清晝卧更誰燒燭繞廊看憐渠帶雨  
衝泥去猶復凌風到地難其六云紫府雲回曲奏終霞裳  
褪口盡淺深紅顛風作意催泥絮逝水何心問雪鴻賸有  
文章供戲侮儘教色相悟元空清陰尙抵千間厦莫笑飄  
零似斷蓬得恭甫杭州書云接來三月上旬書讀罷新詩  
感有餘鹽鐵漫聽桓氏論治安羣笑賈生疎參軍蠻府嘲  
鸚鵡惜大荊州賤鮑魚壯志銷沉只如此相看白髮已盈  
梳其二云熱腸信有陳恭甫癡絕無如謝甸男爲報花時  
歸陌上已看梅雨落江南曲中楊柳愁頻折夢裏笙篴字

久滯結習未空從努力欲將宗旨問瞿曇蹉跎云趙北燕  
南轍幾過駒光馬跡老蹉跎羈愁中酒綿三月草色隨春  
入九門階下播錢工姹女堂前挾瑟艷秦娥風情已作蕭  
郎減目極寒空自浩歌維揚云花月維揚幾度思江山憑  
弔不勝悲翻城尙說高家令拜表空瞻史相旗淮上烽烟  
連鐵脰宮中菊部奏瓊枝南朝多少傷心事又到春鎧影  
謎時琅玉軒分詠秋蘭得姜字云誰傳帝子降瀟湘沅芷  
江楓枉斷腸思未敢言誰遣此芳甯自賞詎能忘楚天雨  
過琴心古澧浦魂歸月色蒼呱呱靈修還獨證霜華幽怨  
寫香姜背人戲仿秋江集體擁髻悲啼庶勝唾壺擊碎也  
巡簷振觸遶廊思十二闌干十二時新月那堪寒夜雨好  
花空戀夕陽枝窗前瘦影朦朧得帳角餘香夢寐知莫怪



近時心事懶向人懽笑背人悲失題云又作春明一度遊  
蘇卿做盡黑貂裘泥他紅袖翻金縷顧我青衫欲白頭小  
閣共誰聽暮雨凝粧莫自上高樓嬌鄉妾水原相望爲緩  
眉尖一縷愁

王阮亭所選古詩箋善矣少陵北征及自京赴奉先諸作爲  
杜集五言第一大篇阮亭何以不選耶

閩縣家梅心布衣

萬春

精於反切之學著有十四經集韻嘗

問序於予詩亦質樸無庸俗氣妙峯寺云振衣直上白雲  
間俯視洪塘水幾灣轉入深山最深處深山深處一禪關  
松間出揖雨三僧指點禪門在此登待到上方延客坐蒲  
團煮茗話傳燈此詩大有禪悟梅心與其弟菊潭友愛世  
謂之二難云

杭州錢塘臬司前岳忠武王廟兩旁從祀者六人焉曰烈口  
文侯張憲曰文侯徐慶煥文侯董先輔文侯牛皐崇文侯  
李寶尙文侯王貴皆忠武部將也按六人中功勲最懋而  
與同時被禍者爲張憲與忠武同心戮力戰功著於史冊  
卒爲權奸所害者爲牛皐姓名見於忠武傳中有功績可  
稽者爲董先徐慶其初隨忠武立功後入秦檜張俊之黨  
者爲王貴若李寶則曾冒風濤率兵渡海敗金人於渤海  
廟解海州之圍高宗手書忠勇李寶四字於旗以賜之今  
墓在蘇隄定香橋西里許神道碑記尙存未知卽是其人  
抑或姓名相似莫可考也按張牛徐董四人與忠武矢志  
恢復不附和議從祀固宜李則姓名雖在疑似然昔人旣  
列之於數公之內大抵皆忠烈之士與祀宜也惟王貴初

爲權奸所脅而執張憲繼與秦檜張俊共成忠武之獄其  
爲奸黨無疑今厠於座末張牛諸公有知必當唾而擯之  
安可覲然同坐乎宋史載忠武部將楊再興者紹興六年  
同忠武牛皋克復蔡州鎮汝長水諸處十年臨穎之戰再  
興以二百騎偵敵殺金兵二千餘馬陷小商橋淖泥中爲  
敵人叢射死張憲岳雲繼至大敗金兵收其屍得箭鏃二  
升餘今西湖上忠武廟門之內有塑像向殿拱手而立神  
牌稱忠烈楊將軍者是也其忠勇與張牛諸公相等而祀  
典缺焉亦一憾事鄙意岳廟從祀當進楊而黜王庶足以  
慰忠魂而奪奸魄昌彝六世祖又章公後學何廣惠填註著有種  
德堂遺草詩多咏史及咏物之作其咏岳家軍云岳家部  
下多名將死戰應推楊再興二語未經人道不愧詩史按

將追封皆在宋理宗景定二年所稱煥輔尚諸字既非謚法亦非郡邑又無取義且武臣而以文字加之更不可解安得當時太常所上謚議中書所頒制詞而考之

閩縣家世臣國子生

萬忠

號菊潭著有菊潭詩鈔四卷菊潭

詩筆似歐陽子幼穎悟卽卓犖不諧俗吾鄉何岐海孝廉國士也一見奇其人以女弟妻焉岐海家藏書幾至三萬卷菊潭寢饋其中學益進尤肆力於全史志在用世而屢困場屋與伯兄梅心友愛以行誼學問相切磨古之元方季方今之斯大斯同也邇者簞瓢屢空幾無以自存意者天將老其材以用之耶抑將使之徒悲嘆於窮廬而已耶詩筆渾樸無前明七子摹唐習氣其愛菊一詩出於天籟其詩云我非愛女容愛女有貞操朔風吹大野百卉皆顛倒女當之泰然謬謬獨長傲嗟哉霜下杰愧我學不到望

恆云迤邐從西來一色混天碧近繞滹沱河遠接太行院  
北道枕畫障九州稱隩宅何時携短筇踏遍嶽嵴迹京師  
恭紀云翹首 皇居壯葵忱向往中星連天極北日射海  
門東棗栗三秋景書車一統風燕山王氣在萬古鬱葱葱  
謁岳王墓云荒墳倒拜上錢塘誰識當年事可傷宰相若  
逢于少保功名豈讓郭汾陽獄中縛虎悲三字湖上騎驢  
痛一場怪殺南枝吹不轉將軍千載有靈光世臣過栢鄉  
馮唐墓有感詩深於寄慨讀者悲之詩云征塵滾滾路茫  
茫瞥見殘碑欲斷腸千古奇才半淪落白頭豈獨一馮唐  
同里王偉甫孝廉廷俊著有樵隱山房詩鈔詩品秀雅如名  
花奇石可供清賞又如遠烟出林情致淡遠樵隱詩於田  
家情景實能達其所見樵家詩云樵者家何處結茅依澗

谷烟火無四鄰溪流抱一曲晨鷄號在樹積薪高於屋空  
山峭無人門前卧閒犢淮陰駙懷古云剩水殘山落日昏  
淮陰尙有釣臺存滕公一語翻多事漂母千金獨感恩到  
死不慚眞國士可哀原是舊王孫報韓佐漢功誰匹史筆  
求全總讐言建溪舟中襍吟云水外皆山山夾水山中盡  
水水吞山舟行七百有餘里十日不出山水間樵隱兼工  
賦物往往有繪影繪聲之妙句如秋濤云波兼木葉翻天  
下潮湧蘆花捲雪高秋蟲云關河孤枕客無夢閨閣一燈  
心不平白菊云一洗豔情花盡後十分秋色月明中兩晉  
衣冠千古近六朝金粉到君無滿庭涼露秋無迹半壁斜  
陽繪有神句吟羅隱心如水譜入劉蒙字有霜映他栗里  
人如玉悟到梨花夢是雲秋海棠云有恨況當明月夜可

憐生是此花身

仁和超蓮峰道者

源

自號紫衣道人著有未篩集讀之悠然

如雲之出岫朗然如月之印潭舉釋典元妙之旨擺脫而  
融化之一若王孟陶謝亦復去禪不遠其香品禪詩云我  
愛香品居不出香品道香品松檜多歲寒可長保上巢千  
歲禽下庇不凡草所嗟浮雲徒歸來苦不早宿雨洗煩暑  
烟消日初上林薄翠猶濕披襟納閑敞花落苔砌斑雲歸  
石樓響水南吾故人安得共吟賞句如碧巖晴似沐孤磬  
靜邊鳴故山何處是孤雁帶霜來每得神來句多於月上  
時鐘向亂雲深處聽山從涼月出時看皆有空山冰雪氣  
象

釣臺詩以唐權文公作得溫柔敦厚之旨爲此題絕唱他作

俱不能及也詩云心靈棲灝元纓冕猶緇塵不樂禁中卧  
卻歸江上村潛驅東漢風日使薄者淳焉用佐天下持此  
報故人則知大賢心不獨私其身奈何清風後擾擾論屈  
伸交情同世道利欲相紛綸人世自古今清輝照無垠此  
爲范文正嚴先生祠堂記所本潘彥輔謂此爲釣臺詩壓  
卷信然

學者知縱酒宿娼賭博之當戒不知說閑話看閑書管閑事  
之尤當戒前三事固下流之歸稍知自愛皆能決去不爲  
後三事初若無害其廢業敗德生禍究竟不異然其毒伏  
藏甚深人多不覺及其既覺已難追悔

張稷若蒿  
菴閑話

布衣陳

君鳳翔有句云人生不少當勤業莫學閑人度日來同此  
意也布衣精星卜之學余既冠家人有欲余棄舉子業而



行賈使布衣卜之得火天大有之卦布衣乃投龜蹶然喜  
曰火天之象無所不照大有之義無所不包其德剛健而  
文明他日殆以德義文章名天下乎行賈者無此兆也憶  
其言至今感之

遂甯張船山先生懷買餅詩有此日摸心猶有淚當年乞食  
竟無門味二語勝讀屯尼歌二十四首也

栢鄉魏文毅

裔介

著有兼濟堂集文毅立朝頗見風節詩文

醇雅集中名句可傳者如道以遲能重書因悟轉疑二語  
可謂粹然有道之言

順治三年進士

長汀黎巍曾叅政士

宏

著有托素齋詩文集

順治十年鄉榜官至布政司叅

政

叅政少嗜聲詩師事甯化李元仲先生

世熊

以文章名

天下詩筆力去除言清真樸老與周櫟園汪次舟諸公後

先競爽嘗記其舟過建武夜行云不住因風好能爭半日  
程船燈敲石火人語渡河聲月上千峰立霜深一雁鳴經  
年南北路多半是宵征

侯官林于宣太史

謝蕃

著有南陔詩集

乾隆二十三年進士

太史詩萃

綿蕩逸根抵於六朝三唐而自以靈氣馭之其九日登烏  
石山二首云險窄城南路攀躋驚客心眼中空夕照衣上

帶秋陰鳥道松杉迫人烟橘柚深凌霄臺最古振策一披

尋九點知何處蒼茫俯六區石崩雲勢急山斷樹陰孤野

色高秋盡涼風病骨蘓興酣長嘯咏不爲避催租登鎮海

樓云振衣千仞上眼界絕塵囂日落孤雲起天寒一鳥高

風聲搖耳目酒氣洒江濤獨立蒼茫處應思跨海鰲

吳縣吳崧甫先生

鍾駿

讀書過目成誦

先生道光壬辰第一

名進士今官

禮部侍郎九經皆用楷書鈔錄尤精通小學又嘗手鈔全唐文數十冊純以端楷書之昌彝嘗見先生手鈔宋楊誠齋陸渭南二家詩集全冊不脫一字不破一畫可謂難矣所爲詩亦近陸楊二家先生愛才如命爲余甲午鄉試座主昌彝次場經方五篇極爲先生所贊賞以第三場謄錄錯亂七行置副榜至今對人言及猶贊賞不去口云

餘姚黃梨洲先生

宗義

著有南雷詩秣詩境超曠讀者可以

想其胸次先生孝義著於前朝經史冠乎昭代詩爲餘事不寐作云年少雞鳴方就枕老人枕上待雞鳴轉頭三十餘年事不道消磨只數聲語極曠達又畫壁絕句倦鉤簾幙晝沉沉難向庸醫話病深不信詩人容易瘦一春花鳥總關心詩情婉麗句如絕壁飛泉多奪路好山明月亦尋

人亦復不俗先生所著書有南雷文定南雷文約宋元儒  
學案明儒學案明夷待訪錄明文海共四十八種詳國  
朝漢學師承記其宋元儒學案一百五十卷道州何子貞  
師於道光乙巳丙午間刊於京師其書萃宋元二朝諸儒  
精華其有功於士林者不淺也

嘉興王邁人方伯庭居官以清惠稱及歸田足迹不入城市  
常衣布袍行田間人不知其爲故方伯也阮芸臺先生兩  
澍輟軒錄云嘉秀善三邑田賦舊有互嵌數百載聚訟莫  
能定讞先生爲著畝田論設有十二問答剖悉詳盡邑士  
庶咸折服議始定方伯於詩不易下筆然作者秀語天成  
欲奪山綠句如過雨洗山綠落花燃澗紅一艇獨歸雨千  
山相對雲茅屋人家千畝雪板橋行迹一溪冰

地之幻化圖繪者又人物之幻化彼富貴薰天功名烜赫  
倏忽之頃已爲唐滅况韋布之士欲取聲華於虛幻之際  
不幾於惑乎所以孜孜於此特遣興適吾胸中之邱壑耳  
亡友陳秩庭德懋有句云功名潭裏月身世水中漚讀此  
詩爲之慨然

閑止書堂集二卷閩縣陳省齋太史夢雷著太史未冠即入

史館

康熙九年進士

請假歸會逆藩耿精忠叛徧羅名士幽繫夢

雷及其父於僧寺脅受僞官夢雷不得已疴瘠託疾以稽  
之賊平議罪有陳昉者污賊京師譌傳夢雷也復爲逆黨  
徐宏弼誣告徵下詔獄幾不測朝旨減等謫戍尙陽堡  
初夢雷與安溪李光地爲同年生相善及難光地亦在假

用蠟丸密疏致通顯而夢雷方千巖讖無以自明引光地  
爲助光地密疏救之語在 國史本傳夢雷不知故怨懟  
憤懣牢愁哽咽往往詭激於文詞雖過其實然志足悲也  
東越文苑傳 及蒙 恩召還奉 命編輯圖書集成三千餘卷

御書松高枝葉茂鶴老羽毛新聯句 賜之雍正後緣  
事謫戍卒於戍所子孫遂家遼陽所著書詳東越文苑傳  
詩多高壯之音如雨夜泊桐廬云烟雨冥濛合輕舟入畫  
中星光連水白漁火照江紅古寺疏林繞前村小渡通投  
竿堪寄興何事嘆飄蓬秋興云風高氣肅火西流極目河  
山一望收四野旌旗戎壘靜千家砧杵海天秋降王繫組  
新授欸大將櫜弓好運籌共唱饒歌歸北闕淩烟次第論  
勲酬七閩財賦甲南天萬井桑麻異昔年驛路秋殘飛羽

騎荒城日落起寒烟聞人漫唱悲秋曲征帥休歌采芑篇  
欲使海濱銷戰氣伏波何日駕樓船

侯官陳士亮太守

天澤

著有士亮遺稿

道光丙戌進士

詩多咏史寫

懷之作盧生祠題壁一首洒然出塵其詩云度君未到太  
羅天一枕華胥四十年好事先生都占盡夢來富貴醒來  
仙

吾家和靖先生梅花三十絕句墨稿字跡如龍飛蛇舞詩亦  
妙悟藏羅六湖比部家何子貞師題詩云詩如東野書西  
臺雪堂雙井交尊推豈意停雲兩札外還墨零落湖山隈  
山人愛梅本天性爲兩三朶百千回酒痕茶角盡閑事日  
問梅花開未開何來詩草三十首妙語繹繹春風催客路  
飄蓬果何事想當游櫓沿江淮是時孤山未結屋已覺塵

世空胸懷廣平或可語心事彭澤相與忘形骸書律跌宕  
亦無偶居然梅幹虬龍走紙光想見槐木椎筆精當出葛  
生手六湖愛賢非好奇瑤此集外冰雪詞山雪夜明鶴無  
影更有山人詩外詩

自來咏素心蘭心字皆寫不出道州何子貞師心蘭七律頸

聯云香逾淡處偏成蜜色到真時欲化雲寫素字可謂渾  
脫師更有五言古一首專寫心字尤見神妙國香異凡品  
獨汝尤矜重素素亦何深心心看欲動露鬢曉黏蟬冰蠶  
春化蛹胸前白似雪想見西子捧報君以赤心厥語樸可  
悚何如守芳潔淡極不知寵

鉅鹿楊猶龍方伯

思聖

著有且亭集

順治三年進士

方伯入蜀諸詩

刻意摹杜尚有斧鑿痕其名句可採者如好友難爲別名



山只借看居今方信天難恃弔古常疑史未明覺語有諳  
練

嫂氏鄭淑娟孺人侯官鄭昌英茂才杰孫女也爲三先兄香  
遠繼室儉約營家躬執婦道幼嫻書籍女紅之外兼學韻  
語有淑娟存稿嘗記其哭次女采榴云一朝哀怨竟忘身  
痛煞阿娘獨苦辛今日泉臺逢汝父道余強作未亡人夜  
坐云蕭疏庭館夜涼天剔盡殘燈夜不眠半是多愁半多  
病鏡中形影異當年二詩情韻俱摯迥異凡響句如落葉  
秋千點歸鴉月一邨流水數家屋荒邨幾簇煙燕歸斜照  
裏鐘出亂雲中家和貧亦樂心靜夢能安人情窮裏見世  
態靜中看皆清婉可誦

番禺張南山珠江襟詠十九首有南宋人風味今錄其三首

風月云神光離合語通神妙手陳王善寫眞月有姮娥風  
少女可知風月要佳人鷺潭云聞道鷺潭有白鷺白鷺不  
見見清波花叢飛出雙蝴蝶隨着賣花人過河牛塘云牛  
塘雨過水風涼荷葉荷花併送香郎自愛花儂愛葉葉能  
遮雨護鴛鴦

潘四農云詩最爭意格詞意富健矣格不清高可作而不可  
示人格調清高矣意不精深可示人而不可傳遠有以論  
意格腐談者中有所短故耶

橫漲橋東宿雨殘盡驅鴨鴨出紅闌蘆花兩岸冷如雪十里  
秋容倚槳看鴨頭老綠鴨脚黃十五五沿斜塘不勞蜀  
郡滕昌祐勾染一枝紅拒霜此朱竹翁題查夏重蘆塘放  
鴨圖二絕句也倪居士題畫詩不得專美於前矣

洛神賦乃子建託言以自比非思慕甄后而作也試思子建  
何人肯爲此污穢之行乎子桓何人子建敢作賦自取罪  
戾乎文選注殊爲荒唐凡說實不足據邵武吳厚園淳有  
咏子建詩結句云千秋洛神賦誰爲解冤人則所論可謂  
眼高於頂矣養一齋詩話云魏文性殘刻而薄宗支子建  
遭殘謗而多哀懼形於詩者非一而洛神賦亦其類也近  
人張君若需題陳思王墓詩云白馬詩篇悲逐客驚鴻詞  
賦比湘君卓識鴻議暫論一空極快事也  
人不能無偏見潘四農惡陳子昂之品因指摘其詩歸於禪  
學可謂嚴矣然養一齋詩話於其同鄉廬山錢牧齋詩極  
力贊揚重疊載之何耶

咏物詩須不著色相近見浙人張亦篋炳白荷花詩云紵羅

浣盡舊時衣回首繁華景物非  
窺水自憐真色在出塵何  
惜賞音稀照來浦月空無影  
縮定湖雲冷不飛洗伐終期  
丹九轉前生太乙豈相違可  
謂得神又浙人李節貽念孫  
咏新柳句云二月風尖裁葉  
易六橋雲嫩漏春多又眉細  
已能臨水繪眼嬌未解逐波  
橫皆刻劃盡致浙人陳訛湖  
幹咏菊影句云繞徑有人迷  
舊夢隔屏無語倚黃昏朱敏  
生智句云半榻疎燈秋暮後  
一籬明月夜深時皆神韻兼  
到

但有詩名尙千古可知人不在官尊此武進趙味辛司馬懷

玉句也

乾隆四十五年同知著有亦有生齋詩文集

召試舉人官

語意高妙司馬胸

次曠達生平不惑於貴勢不牽於朋友硜硜自立不厭不  
倦嘗爲七夕詩下筆雋妙爲時髦傳誦詩云蜘蛛結網鵲

成橋河漢無聲夜寂寥不是病餘貪久坐秋來第一可憐  
宵末句爲入情語更有句云春光先在水暝色欲歸樓百  
年誰白首七夕易黃昏皆名句也